



**Deloitte.**

## SIARAN MEDIA

### **SME CORP. MALAYSIA IKTIRAF PENCAPAIAN PKS MALAYSIA MELALUI PROGRAM ENTERPRISE 50**

---

**Kuala Lumpur, 25 November 2022** – SME Corp. Malaysia, agensi dibawah Kementerian Pembangunan Usahawan dan Koperasi (KUSKOP), akan menganjurkan Majlis Anugerah Enterprise 50 (E50) pada malam ini.

Anugerah E50 ini adalah kerjasama erat SME Corp. Malaysia dengan Deloitte Malaysia serta rakan-rakan strategik seperti RHB Bank Berhad, Unifi Business, Malaysian Industrial Development Finance Berhad (MIDF), UOB Malaysia, RAM Rating Services Berhad, Media Prima Omnia Sdn. Bhd. dan Malaysia SME bagi mengiktiraf 50 syarikat PKS yang berprestasi tinggi, kompetitif serta berdaya saing sama ada di pasaran domestik mahupun antarabangsa.

E50 ini juga mengiktiraf PKS yang memberikan sumbangan kepada ekonomi negara terutamanya eksport semasa pandemik COVID-19 melanda negara.

Daripada 50 syarikat yang terpilih sebagai pemenang Anugerah E50 pada tahun ini, 10 pemenang utama telah diumumkan oleh YBrs. Encik Rizal bin Nainy, Ketua Pegawai Eksekutif SME Corp. Malaysia pada satu sesi Sidang Media khas Anugerah E50 pagi ini.

Rizal berkongsi bahawa penyertaan pada tahun ini adalah sangat memberangsangkan. Sejak program E50 ini dianjurkan, tahun ini jumlah penyertaan adalah tertinggi di mana SME Corp. Malaysia telah menerima sejumlah 213 penyertaan. Walaubagaimana pun, berdasarkan kriteria kelayakan yang telah ditetapkan, hanya 63 syarikat telah berjaya melalui proses penilaian yang ketat, bagi mengenalpasti 50 syarikat teratas.

Menurut Rizal hanya syarikat dengan penarafan 4 dan 5 bintang di bawah Program Penilaian Penarafan Daya Saing PKS bagi Peningkatan (SCORE) adalah layak untuk menyertai program ini.

Tambah beliau, proses penilaian telah dilaksanakan oleh Deloitte Malaysia dan rakan-rakan strategik berdasarkan pelbagai parameter, antaranya termasuk proses perniagaan, kewujudan pasaran, kedudukan kewangan; serta adaptasi digitalisasi dalam syarikat masing-masing.

Sejak tahun 1997, Anugerah E50 telah diakreditasi sebagai anugerah terkemuka yang melambangkan pencapaian dalam perniagaan dan keusahawanan. Selain itu, ianya merupakan satu pengiktirafan kepada PKS dalam mendorong perubahan ke arah peningkatan daya saing bagi merancakkan semula pertumbuhan ekonomi negara secara menyeluruh.

Di antara tetamu kehormat yang turut hadir pada Sidang Media E50 ialah YBhg. Dato' Sri Syed Hussien Al Habshee, Pengerusi SME Corp. Malaysia; YBrs. Encik Rizal bin Nainy, Ketua Pegawai Eksekutif, SME Corp. Malaysia dan YBrs. Encik Yee Wing Peng, Ketua Pegawai Eksekutif, Deloitte Malaysia.

Untuk maklumat lanjut mengenai Program *Enterprise 50 (E50)*, sila layari [www.smecorp.gov.my](http://www.smecorp.gov.my) atau email [info@smecorp.gov.my](mailto:info@smecorp.gov.my) atau hubungi 1300 30 6000.

- TAMAT -

## **Tentang SME Corp. Malaysia**

SME Corp. Malaysia merupakan sebuah Agensi Penyelaras Pusat di bawah Kementerian Pembangunan Usahawan dan Koperasi (KUSKOP) yang berperanan sebagai pusat pengumpulan dan rujukan setempat bagi maklumat dan khidmat nasihat Perusahaan Kecil dan Sederhana (PKS), penyelaras program pembangunan PKS, penilaian ekonomi serta pengakreditasi PKS, pembangunan perniagaan dan program sokongan, dan juga fasilitasi akses PKS kepada pasaran dalam dan luar negara.

Bermula pada 2 Mei 1996, SME Corp. Malaysia dahulunya dikenali sebagai Perbadanan Pembangunan Industri Kecil dan Sederhana (SMIDEC), bermatlamat membangunkan Industri Kecil dan Sederhana (IKS) Malaysia yang berkeupayaan dan berdaya tahan agar mampu berdaya saing di pasaran global. Pada tahun 2007, SMIDEC telah diberi mandat oleh Majlis Pembangunan PKS Kebangsaan yang dipengerusikan oleh YAB Perdana Menteri untuk menggubal dasar dan strategi menyeluruh bagi PKS dan memacu program PKS merentasi Kementerian dan Agensi. Sehubungan itu, SMIDEC telah dijenamakan semula secara rasmi sebagai SME Corp. Malaysia pada 2 Oktober 2009.

### **PERBADANAN PERUSAHAAN KECIL DAN SEDERHANA MALAYSIA (SME CORP. MALAYSIA)**

Tingkat 6, Blok B, Platinum Sentral  
Jalan Stesen Sentral 2  
Kuala Lumpur Sentral  
50470 Kuala Lumpur  
Tel : 1300-30-6000  
Faks : 603-2775 6001  
E-mail : [info@smecorp.gov.my](mailto:info@smecorp.gov.my)  
Laman web: [www.smecorp.gov.my](http://www.smecorp.gov.my)

#### **Pengarah**

**Bahagian Komunikasi Strategik  
(U.P.: Pn. Raja Rozaila bt Raja Azman)  
Tel : 03-27756203 atau 016-3322121  
Email : [rozaila@smecorp.gov.my](mailto:rozaila@smecorp.gov.my)**

## **DELLOITE MALAYSIA**

Deloitte merujuk kepada salah satu atau lebih daripada Deloitte Touche Tohmatsu Limited (“DTTL”), jaringan global firma anggotanya, serta entiti-entiti yang berkaitan dengannya. DTTL (juga dirujuk sebagai “Deloitte Global”) dan setiap firma anggotanya serta entiti berkaitan dengannya, adalah entiti yang bebas dan berasingan dari segi undang-undang. DTTL tidak menyediakan perkhidmatan kepada klien. Sila kunjungi [www.deloitte.com/about](http://www.deloitte.com/about) untuk penerangan lanjut.

Deloitte terkemuka di peringkat global bagi perkhidmatan audit, percukaian, perundingan dan khidmat nasihat kewangan kepada pelanggan awam dan swasta, merentasi pelbagai industri. Dengan rangkaian firma ahli yang terhubung secara global di lebih 150 negara dan wilayah, Deloitte memberi perkhidmatan kepada empat daripada lima syarikat Fortune Global 500®. Ketahui bagaimana 415,000 anggota Deloitte membuat impak yang bermakna di [www.deloitte.com](http://www.deloitte.com).

Deloitte Asia Pacific Limited adalah syarikat berhad menurut jaminan dan sebuah firma anggota DTTL. Anggota-anggota Deloitte Asia Pacific Limited dan entiti berkaitannya, masing-masing merupakan entiti yang bebas dan berasingan dari segi undang-undang, menyediakan perkhidmatan dari lebih daripada 100 bandar di seluruh rantau, termasuk Auckland, Bangkok, Beijing, Hanoi, Hong Kong, Jakarta, Kuala Lumpur, Manila, Melbourne, Osaka, Seoul, Shanghai, Singapura, Sydney, Taipei dan Tokyo.

Di Malaysia, perkhidmatan adalah disediakan oleh Deloitte PLT (LLP0010145-LCA) (AF0080), sebuah perkongsian liabiliti terhad yang ditubuhkan di bawah undang-undang Malaysia, dan syarikat gabungannya.